

1469. Uxon Cassam otene la Persia et l' Armenia; et era contra Mahumeto, re di turchi.
1469. Trabesonda presa, *videlicet* li rebelli, con l'imperador e fiol, con armada di 200 velle et exercito grande.
1469. Alemania da' turchi scorsizada fin a Goricia.
1470. Negroponte preso a di . . . , capetanio Nicolò da Canal, dotor, qual fo poi posto in exilio. Era il tureho con 300 velle et 280 milia persone a torno.
1472. Uxon Cassam debelato lansa; et Piero Mocenigo, capetanio zeneral nostro, infestò la Natalia.
1473. Pugna tra turchi e Uxon Cassam, e, roto, Uxon Cassam fuzite a li mondi; e questo da le artilarie.
1474. Urgaria scorsizada da' turchi, passati il Danubio.
1475. Scutari obsesso; era bassa Monuco, et nula fece; era dentro proveditor Antonio Loredan.
1475. Turchi depopolò Mondavia e Valachia, con gran *cæde*.
- 154 1475. Servia inferior depopolata da' ungari, con gran *cæde* di turchi.
1475. Caffa, terra di zenoesi, presa a di . . . , con 300 vele et 80 milia combattenti.
1476. Smedro, su la riva di la Sava, preso da re Mathias.
1477. Francesco Contarini, nel condur di le vituarie a Croia, fo preso e morto.
1477. *Clades magna venetorum* in Friul; morto domino Hironimo da Novelo, governador, et preso molti.
1478. Da poi stati venetiani 16 anni in guerra con el tureho, fo fato trieva per tre anni; non mantene.
1478. Croia, obsessa XI mexi, poi si rese; Piero Vituri, proveditor.
1478. Drivasto et Alexio, tolse Zuan Zernovich, albanese, per nome dil turco, erano nostri.
1479. Scutari in condition di pace dato al turco; 17 anni durata la guerra, fato pace e datoli ducati 100 milia.
1479. Turchi, con armada, di la Valona dipredò la Puja, era di re Ferando, et li fè danni assai.
1479. Santa Maura, dita Leucate, Zefalonia et Zante, erano di signori, turchi con armada aquistoe.
1479. Rodi per tre mexi expugnato da l'armata dil turco, capetanio Monuco bassa, et nulla fece.
1480. Otranto in Puia preso da' turchi, che passò con armada di la Valona et Bestize.
1481. Mahumeto, havendo fato assa' cosse, morite, et li successe Bayseto fiol.
1481. Bayseto regna di anni . . . ; cazò et rupe Gemio, suo fradelo, qual fuzite a Rodi.
1481. Risano, castello in Bossina, fu preso da' turchi.
1481. Schander bassa scorsizoe sul teritorio di Zaira, dicendo, era la paxe con il padre e non con questo.
1481. Mandato a Constantinopoli Antonio Vituri, cavalier, orator, qual zurò la paxe con Bayseto; fo suo secretario Alvise Manenti.
1482. Bayseto protesta, venetiani non dagi ajuto nè receva Gem, suo fradelo, qual fo mandà in Franza.
1483. Mandato a Constantinopoli Domenego Bolani, nostro orator; et Francesco Aurelio, fo suo secretario.
1484. Moncastro e Licostomo, in Valachia, preso, con armada di vele 55 et 150 milia combattenti.
1485. Bayseto prepara armada, 150 velle, contra il soldan.
1486. El dito, *apud* Adna e Terso, dal diodar dil soldan roto.
1486. Exercito di Bayseto in Valachia, roto da Uricula, vayvoda.
1486. Mandato a Constantinopoli Antonio Ferro, nostro orator, da poi licentiatto Zuan Dario, secretario.
1487. Legato di Bayseto a Venecia. Zonto dimandò, in spazio di 5 zorni, si li dagi il porto di Famagosta, per la soa armada, manda contra il soldan.
1487. Zuan Dario, *iterum* mandato, a Constantinopoli.
1488. Bayseto, fato armata di velle 100, *itum* a la Jayza o ver Cypro; capetanio zeneral nostro Francesco di Prioli, con 40 galie, va in Cypro et quello custode.
1488. Turchi roti dal soldan *apud* Adna e Terso *iterum*.
1488. Mandato a Constantinopoli Unfre' Zustignan, baylo nostro, qual successe Antonio Ferro, stato li orator e baylo.
1492. L'armada dil turco, e lui in persona, con 155 exercito contra la Zimera, et forte, si non fosse stà provisto, Corphù, era baylo e capetanio, Nicolò Pixani, disfata la Zimera, et il suo pensier di Corfù.